

vnd auffgetruckneten Baldrian mit Wurtzel / Kraut vnd Stengel colligirt vnd zu Aschen gebrannt / auß derselbigen ziehe künstlich ein Salz auß / als oben vom Vermuth Salz gelehrt worden. Dieses Salz ist ein fürbündige Arzney das verlohrene vnd tunclele Gesicht wider zubringen / dauon gibt man ein Gran oder 5. auff einmal mit einem lequemen Wasser oder Safft.

Der lohren  
Gesicht wi-  
der zubrin-  
gen.  
Pestilenz-  
Gifte.

Es dienet auch wider die Pestilenz vnd alles eingenom- men Gifte / vnd schreibt D. Theodorus, daß er mit diesem Salz viel heilsamer Curen verrichtet habe / in mancherley Augen- krankheiten.

Das 59. Capitel / von Wegwartensaltz.

**E**s wird heutiges Tags auß der Wurtzel / Kraut / Stengel vnd Blumen / von der ganzen Substantz der Wegwarten ein fast köstliches vnd heilsames Salz künstlich / wie auß dem Vermuth / vnd andern mehr Kräutern außgezogen / das ist fürnehmlich vnd fürtrefflich gut zu erhaltung vnd schärpffung des Gesichts / zur verstopffung der Leber vnd Wassersucht. Dar- von braucht man etliche Granen bis auff ein halben Scrupel mit bequemen Wasser oder Safft. Sonst wird es auch heilsamblich vnd nützlich mit Pillulen / Latwergen / Confecten vnd andern be- quemen dingen für andere mehr Krankheiten vermischet vnd ge- braucht.

Gesichte  
schärpffen.  
verstopffte  
Leber.  
Wassers-  
sucht.

Das 60. Capitel / von Röhrleinstraufsaltz.

**D**as Salz vom Röhrleinkraut wird künstlich wie das Vermuthsaltz außgezogen / vnd wie das Wegwartsaltz gebraucht: Vnd ist vnder andern fast dienlich wider die Wassersucht / vnd den verhaltenen Harn / allein gebraucht / oder mit andern Arzneyen vermischet.

Wassers-  
sucht

3 ij Das